



UNIVERSITÄTS-
BIBLIOTHEK
PADERBORN

Waerchtighe Historie Van de Martelaers Van Gorcom

Estius, Wilhelm

Antwerpen, 1604

Capittel VII. Van sijn twee leste sermoonen.

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

al steunde hy seer op sijn vrienden / ende hy velen seer was ghesien / van sijn officie af-ghelett ende verlon- den soude worden. Oock heeft hy seer sozghbuldig- lijk ghelett / van den tyd dat hy Gardiaen was ghemaeckt / om sijn clooster te moghen refozmeren / hebbende nochtans daer in eenighe vande broeders partijgh ghevonden / maer gheen van allen dien en zyn met hem deelachtigh gheweest vande croone der martyrien . De maeltjdekens oft brasserijen naer mid-dagh / die t'anderen tijden ter oorzsaechen vande wereldtjcke personen in't clooster in-ghe- broken waren / heeft hy / bouen het teghen-strijden van velen / teene-mael af-ghebroken . Al-soo groot was de stantastighepdt van P. Nicolaes in voorzdt te drijuen ende te vol- brenghen t ghene dat hy wel inden sin ghenomen hadde. Soo dat van hem seer wel gheleghet heeft P. Petrus de Monte een gheleerdte ende Godt-vruchtigh man (onder wien als Gardiaen P. Nicolaes in twee oft drij plaetsen hadde ghewoont) aen-merckende ende gheproeft hebbende sijn onberoerlycke vastighepdt des herten sonderlinghe in't stuck vande refozmatie / dat hy hem al-tijdt ghehouden hadde seer bequaem te zyn om het martyrie te verdraghen . Dese wepnighe punten upt vele andere gheschreuen moghen ghe- noegh wesen om den nae-comelinghen aen te prij- sen ende te betuyghen sijn heplighe conuersatie des leuens betaimende eenen toe-comenden Martelaer.

CAPITTEL VII.

Van sijn twee leste sermoonen.

Voortds als de leste tempeest der verbolginghe is op-ghestaen / heeft hy twee merckelijcke ser- moonen ghedaen tot het volck / de welcke ghelijck
sp de

sy de leste zijn gheweest / al-soo waren sy vol Godts
 vruchtighepdt ende salighe leeringhe : het een t' son-
 daeghs naer den feest-dagh des heylighs Sacra-
 ments / waer in hy ouer-bloedelyck / gheleerdelyck
 ende vierighlyck discoureerde vande waerachtighe
 teghen-wozdighepdt des lichaems ende bloedts
 Christi in't heyligh Sacrament des autaers / too-
 nende dat niet figurelyck (als de ketters segghen)
 maer eyghentlyck moeten ghenomen worden de
 woorden Christi / segghende: Dat is mijn lichaem /
 dit is mijn bloedt. In't selue sermoon declareerde
 hy de ongheloouelycke liefde Christi tot ons / deur
 de welcke hy beschickt heeft / als hy ons de sienelij-
 ke ghedaente sijns lichaems soude ont-trecken / dat
 hy niet alleen metter herten ende naer den gheest /
 maer oock naer den lichame (d'welck nochtans on-
 der gedaenten van andere dinghen in't Sacrament
 soude bedeckt zijn) by ons tot het eynde des wereltds
 moghte bliuen ende met ons vereenicht worden :
 toonende oock met de woorden van S. Jan Chry-
 sostomus dat dit was een seker teecken van de aller-
 meeste ende vandenste liefde. Het ander leste ser-
 moon heeft hy ghedaen niet langhe daer naer / ver-
 manende tot stantfastighepdt in't Catholijck ghe-
 looue ende belijdinghe des-selvs. In't welck hy leer-
 de / dat het in gheener manieren / noch by eenigh
 ghevalle eenen Christenen mensche georloft en was
 sijn ghelooue te loochenen / oock niet deur het drey-
 ghen van grouwelycke toymnten / noch deur veur-
 stellen vande straffe des doodts selue. Maer dat ter
 contrarien van noode is / dat elck een naer sijn ghe-
 looue ghebraght zijnde / sonder eenighe dobbel-
 hepdt oft ghebeynstheddt t'selue vryelijck en opent-
 lijk sal belijden / ist dat hy niet en wilt inder eeu-
 wighepdt verlozen gaen : ghemerckt dat de Heere
 seght

seght in't Euangelie: Alle die my belijden sal veur Mat. 10
 den menschen / dien sal ick oock belijden veur mij-
 nen Vader die inde hemelen is. Maer soo wie my
 loochent veur de menschen / dien sal ick oock looch-
 nen veur mijnen Vader die inde hemelen is. Dus
 danighe dinghen heeft hy doen ter tijdt de gemeyn-
 te deur de aen-staende troublé seer bebreest ende be-
 ducht zynde / vierighlijck ende sozghbuldighlijck
 gheleert. Maer naer-der-handt heeft hy de selue
 leeringe mette wercken seer crachtelijck bevesticht/
 ghelijck wy in onse historie breedelijck hebben be-
 toont. Want my dunckt dat inde selue opentlijck
 ghenoech wordt bewesen wat groote vroom-her-
 tigheddt dat dese man ghehadt heeft om pijnen en-
 de schamperheddt te verdragen veur de Catholij-
 ke religie / wat vierighen gheest ende begheerte totte
 martprie / ende wat liefde dat hy tot den lesten upt-
 gangh des leuens teghen sijn mede-broeders heeft
 ghedragen.

CAPITTEL VIII.

Hoe wijselijck dat hy ghedaen heeft bewarende
 sijn trouwe aen sijn broeders, ende belijden-
 de sijn ghelooue.

DAn ghelijck is de quade ghewoonte der booser
 menschen / dat sy alle t'ghene dat sy inde goe-
 de menschen die sy haten frap ende loffelijck merc-
 ken / t'selue int quaedt nemen / ende ont-eeren met
 hy-naem van eenigh ghebzeck dat de selue deughdt
 ghelijck magh wesen: al-soo zijnder oock gheweest/
 die des vromen Martelaers trouwe teghē sijn broe-
 ders soo vastelijck bewaert / ende sijn on-verwone-
 nen verdraghelijckheddt van soo vele moepelijck-
 heden ende vande doodt / ombeleefdelijck willende
 schob-